

1. **VETERINARSKI FAKULTET U SARAJEVU, (ODJELJENJE ZA AKVAKULTURU)** sa sjedištem u Sarajevu u ulici Zmaja od Bosne 90, JIB: 4200228330004 kojeg zastupa dekan prof.dr. Nihad Fejzić (u daljem tekstu: Fakultet)
2. **RIBOGOJILIŠTE „LAKS“ D.O.O.** sa sjedištem u ulici Salakovac bb, 88000 Mostaru JIB: 4227331090009 koju zastupa direktorica Tanja Handžar (u daljem tekstu: Ribogojilište)

zaključili su dana 14.01.2019. godine sljedeći:

UGOVOR

o nastavnoj, naučnoj i stručno-tehnološkoj saradnji

I PREDMET I CILJEVI UGOVORA

Član 1.

Svrha ovog ugovora je reguliranje uslova i načina nastavne, naučne i stručno-tehnološke saradnje između ugovornih strana.

Glavna područja saradnje u okviru ovog ugovora će biti sljedeća:

- edukacije studenata Fakulteta putem izvođenja praktične nastave na ribogojilištu;
- ispitivanje i utvrđivanje zdravstvenog statusa ribljeg fonda na ribogojilištu;
- stručni savjeti o ishrani, tehnologiji uzgoja vezano za bolesti riba i upustva za liječenje, preventivna tretiranja te suzbijanje ustanovljenih oboljenja.

II OBAVEZE UGOVORNIH STRANA

Član 2.

U cilju realizacije ovog ugovora Ribogojilište se obavezuje da će:

- obezbjediti nesmetan organizovani pristup, boravak i praktičan rad akademskog osoblja i studenata Fakulteta pod nadzorom saradnika Odjeljenja za akvakulturu;
- omogućiti učešće akademskog osoblja i studenata u edukaciji tehnološke proizvodnje riba, kontrole zdravstvenog stanja riba, kontrole proizvodnje, kvaliteta i higijenske ispravnosti ribe kao i kontrole ishrane ishrane riba;
- omogućiti učešće studenata u edukaciji pri dijagnostičkim, preventivnim i kurativnim tretmanima;
- potvrditi boravak akademskog osoblja i studenata na Ribogojilištu nakon svake izvršene edukacije studenata pismenim putem;
- da će osigurati prostorije za pretragu svježeg materijala koje će obavljati saradnici Odjeljenja za akvakulturu;
- provoditi preporučene mjere od strane saradnika Odjeljenja za akvakulturu na osnovu pismenih upustava, stručnih izvještaja o obavljenom zdravstvenom pregledu i rezultata laboratorijskih analiza;
- redovno pratiti biotehnološke, epizootiološku situaciju i zdravstveno stanje, kao i druge mjere koje preporuča saradnici Odjeljenja i na osnovu dogovora o eventualnim promjenama blagovremeno izvještavati Odjeljenje za akvakulturu.

Član 3.

Odjeljenje za akvakulturu se obavezuje da će obavljati sljedeće poslove:

- adspekcijski pregled, sekcije i mikroskopske pretrage svih starosnih kategorija riba koje se uzgajaju u Ribogojilištu;
- davati stručne savjete o ishrani, tehnologiji uzgoja vezano za bolesti riba i upustva za liječenje, preventivna testiranja te suzbijanje ustanovljenih oboljenja;

- da će na zahtjev Ribogojilišta i prema potrebi uzimati i dostavljati uzorke ikre, ribe, riblje hrane, vode, odgovarajućim specijalističkim laboratorijama Fakulteta;
- da će blagovremeno dostavljati Ribogojilištu stručne izvještaje o obavljenom zdravstvenom pregledu na Ribogojilištu, kao i rezultate drugih laboratorijskih analiza;
- da će stručno i nepristrasno vršiti parazitološke, bakteriološke i virusološke i pretrage na osnovu povećanog morbiditeta, mortaliteta, sumnje i pojave bolesti riba kao i na zahtjev Ribogojilišta, u skladu i na način kako je to propisano programima kontrole zdravstvenog stanja koje su regulisane zakonskim propisima.

Član 4.

Ugovorne strane se sporazmijevaju da će se obaveze iz čl. 2. i 3. ovog ugovora vršiti bez naknade.

Član 5.

Ovaj ugovor se zaključuje na vremenski period od 4 (četiri) godine računajući od dana potpisivanja istog i ne može se prećutno produžiti.

III PRIJELAZNE I ZAVRŠNE ODREDBE

Član 6.

Izmjene ovog ugovora mogu se vršiti uz saglasnost obje ugovorne strane i to putem aneksa ugovora.

Član 7.

Eventualno sporna pitanja iz ovog ugovora ugovorne strane se obavezuju da će sporazumno riješiti, a u slučaju nemogućnosti takvog rješenja ugovaraju nadležnost Općinskog suda u Sarajevu.

Član 8.

Ugovorne strane su saglasne da ovaj ugovor i obaveze koje iz njega proističu stupaju na snagu danom potpisivanja i ovjere.

Član 9.

Ovaj ugovor je sačinjen u 4 (četiri) istovjetna primjerka od kojih svaka ugovorna strana zadržava po dva (dva) primjerka.

Veterinarski fakultet Sarajevo

Prof.dr. Nihad Fejzić, dekan

Broj: 07-04-18-8



Ribogojilište „Laks“ d.o.o.

Tanja Handžar, direktorica

